

中西醫學群書

原序

予仲父乾道庚寅歲六月苦背瘡其發甚微欲以蒜餅炷艾猶未下也一日醫者令飲大黃砂硝則隱然矣先以滓覆其上越夕視之已寸餘遂急去藥令外科調治旬日盈尺勢猶未已也梅根編戶文居禮工此醫活人不以數計召而醫之服藥薰貼十日而瘡斂二十日而肉生璉一日至汪氏妻家得所傳背方一帙默契居禮所用藥其服者乃卷尾逼毒散傳者迺黃真君妙貼散熏藥用雌雄黃等皆是卷中一二方如卷首十一論入門式試法用藥法鍼灸法藥仙

芝翁指授散老翁神杖散玉女飛花散趙侯鬚散六
化丹等皆居禮未嘗耳聆而目見者後以此集示居
禮令互用之其病不兩月平復嗚呼疾之勢大矣藥
之功亦大矣特患人不能得此而善用之今居禮以
卷之一二方而愈人疾若是況得集大全者則活人
豈有極耶名曰衛家濟世寶書不亦宜乎予不敢私
於家謹以此授居禮仍傳好事者姑序其始末云董
璉序

子家藏癰疽方論二十二篇共爲一帙其方論精微
圖證悉具隨病施效可以傳之無窮而爲衛家濟世
之寶故記之曰家傳衛濟寶書凡採百家之說會十
經之旨以自得之妙條陳篇目使傳者易明而易行
其中答問指授之文傳之不老山高先生玉女飛花
散得之洞靈辛隱士老翁神杖散乃深溪吳道士之
散趙侯鬚一宗實清河衲僧所傳而犀角丸雖萬全
本載實因文宮先生之所得食膏蹄湯來自千金方
瘡潰之後非此不可散稱十奇黃山奇效之藥乳
癰軟癩三溪老人所珍鍼法師於石龍法師灸訣休

甯道人見教憑文註解片言隻字皆不妄發行之十
有二年救人莫知其數方知微奧息心澄意穎悟之
後可以奉行庶幾不誤後人其爲陰德亦不淺矣東
軒居士序

衛濟寶書

提要

臣等謹案衛濟寶書二卷舊本題東軒居士撰不著名氏陳振孫書錄解題宋史藝文志載之皆列其目爲一卷世間久無傳本惟永樂大典內尙有其文並原序一篇稱予家藏癰疽方論二十二篇圖證悉具可傳無窮故記之曰家傳衛濟寶書序中具述方論之所自來而復言憑文註解片

言隻字皆不妄發云云然則是書所載木
以經驗舊方哀輯成帙惟中間註語乃東
軒居士所增入耳又別有董璉序一篇紀
其得此書于妻家汪氏始末中有乾道紀
年知東軒居士當爲宋孝宗以前人特其
姓名終不可考至徐文禮不過校正刊行
而所作後序亦有舉諸家治法集成一書
之語乃當時坊本售名欺世之陋習不足
信也所列論治諸條皆設爲問答之詞原
序以爲傳之不老山高先生其說頗荒誕

不可稽而剖晰精微深中奧妙實非有所
師授者不能其後臚列諸方附以圖說于
藥物之修製鍼灸之利害抉摘無遺多後
來醫流所未見謹因其舊文掇拾排比析
爲上下二卷著之干錄以備醫家之一種
其乳癰軟疔二門則別系之卷末俾各從
其類焉乾隆五十年五月恭校上

衛濟寶書卷上

論治

先生問師曰癰疽之異何重何輕視外得內據形
知死生以何別之師曰皮膚之深肌肉之淺浮虛
以廣或蔓延三四遊走旁注此則癰也曰治之何

先曰成者泄之盛者疾之攻內後外三日成功

此言

癰成而有膿者當鍼以泄之熱毒盛者鍼以疾出之

曰癰之治既聞矣疽可

得聞乎師曰甚哉五臟銳毒而爲疽熱蘊乎五臟
而聚氣逆乎諸陽而欲越會丹府燥榮衛大盛而
作結乎此根於裏十之已七毒諸外三見其一小

形堅本銳若鐵足欲觸遙畏痛心惱骨寒熱以乘

陽之證悉具來者速泄陽會敗者急救其裏泄會言灸

救裏言藥巧工如經先時具全未越未透妙在揭指也鍼

出皮膚曰越

問曰病有至甚而生至微而死病證難辨死生何從

決乎答曰發背透膜者死不治此言肝未潰肉陷面

青唇黑便汚者死此言壞臟潰喉者不治陰入腹者

不治入囊者死鬢深及數者不治謂如及左頤後一

寸三分毒銳者不治无此者生流注雖多療之必愈

問曰鍼灸之法不一何者為工答曰鍼固妙法不得

其旨禍若反掌灸亦要道熱病必亡

謂如九毒心火俱盛而劫之以

火於瘡上而灸之則立死

問曰癰疽之病有取乎脈否答曰聖人周知治病若合符節非脈而何脈之周身安則至常衰盛遲數於此以決生死病甚反遲逆也病痿尤數未瘥也遲冷數熱了然不匿洪數緊盛乃病之脈病今隆結雖盛不畏及濡而沈死在七月綿微不治病在上焦寸不能應浮於皮膚者爲癰爲順入於肌肉者爲疽爲逆病在下焦寸反攻盛尺不能應遲數順逆尤存乎消息浮滑而透寸沈實而滑堅此金石脈也厥陰陽明

御溪寶書
數而實食毒也堅牢癰結太陰遇厥陰弦榮少專經
所主以九部稱之

問曰五善七惡可得聞乎答曰飲食如常一善也實
熱而大小澁二善也內外病相應三善也肌肉好惡
分明四善也用藥如所料五善也發渴而喘精明眼
角向鼻大小反滑一惡也氣綿綿而脈濡與病相反
二惡也目中不了了精明陷三惡也未潰肉黑以陷
四惡也已潰青黑腐筋骨黑五惡也發痰六惡也發
吐七惡也

夫人稟五行之氣而生者金木水火土是也故分配

四季有陰陽寒暑之位順之則風調而氣和逆之則風亂而氣悖百病所以生也雖人能知其理奈緣四時之氣或有乖失故表竅不勻三焦壅塞血滲肌表致有五發癰疽之患也發者五臟六腑不和之所生蓋五臟主裏氣生經絡而沈六腑主表氣生經絡而浮若喜怒不常飲食不節陰陽不調冷熱相干於是臟腑氣虛則腠理開疎腠理開疎則寒邪客熱於經絡之間寒氣既折則榮衛稽留於脈且榮者血也衛者氣也血榮得寒則澁不行衛氣從之與寒邪相搏故壅遏不通氣者陽也陽氣蘊積則生熱熱則血澁


寒熱不散故積聚爲癰疽疽之狀氣內攻皮厚強實
痺而生寒寒久發熱寒熱蓄積故傷肉而壞肌肌壞
則化爲膿血夫癰患屬表骨髓不枯易爲醫治疽患
屬裏傷骨壞筋則難調理經曰一寸二寸爲癰已上
至一尺來許者爲疽其五發各有五色起因癰疽
癰之四發各有顏色惟小者爲癰所治頗爲易耳凡
人纔覺發作結聚發作寒熱或不寒只熱之狀疼痛
腫赤癰痕濶硬若過五寸以來者或在頭背或在肢
節或不見形狀者便宜下大車螯散如只三寸二寸
癰痕者只下小車螯散如癰已破卻不可用也

整散今畫出五發形象顏色圖之於後

正發論正發者脈洪盛頭痛發寒熱大便結小便赤痛徹骨筋眼睛疼痛如陽證傷寒但苦痛有形腫赤不可近手腫赤焮長上有如烟漿沸潑者如粟米之白者皆風毒心火三者所併而然也當下大黃犀角生地黃汁絲瓜汁之藥與正藥併行之仍相度用鍼灸乘其未膿而攻之得宣以不潰而愈此上工也渴者無畏大小便結赤渴而喘無畏大小便滑者逆善惡前論

癰疽五發


一日癩



癩疾初發卻無頭緒只是肉熱痛過一七或二七忽然紫赤微腫漸不疼痛迤邐軟熟紫赤色只是不破宜下大車螯散取之然後服排膿敗毒托裏內補等散破後用麝香膏貼之五積丸散疎風和氣次服餘


藥
後方見

二日癰
布切 昭



癰者始初聚結尖腫根腳赤白色高處帶紅赤腫實
疼痛憎寒壯熱口乾渴百節疼痛困倦沈重飲食者
未破者卽下大車螯散如先破下小車螯散然後服
輕肌活膿內托等藥次洗點破等藥加服小車螯散
膿毒不決卽服二三取活膿血

三日疽




疽初起如麻豆子大痒痛抓破如小瘡後漸結癥痕
作癩以次皮破竅穴漸如蜂房多有膿毒不出結痛
憎寒多熱滿悶無力頭目昏眩百節拘急睡臥不得
或有吐逆日加煩痛瘡如火燒更不可服大車螯散

只服小車螯散與解關輕肌活體等散上

熱解昏眩仍勤用洗貼去爛肉與膿毒後方見

四日瘡




瘡發者形狀三兩個或手背不日消退自破苦無膿血毒汁意以爲安愈忽因消渴腎所攻及至春冬再在背膊或腎腧上生一箇兩箇疼痛赤腫腰疼筋緊拘急喫多物常飢燥小便赤大便澁三五日一通或

破下小車螯散未破下大車螯散逐日下內消內解

散
方見後

五日癰



癰初起突如蒸餅又如魚形一頭或一頭小或橫在背膊或在脇肋間及二三寸許堅寔赤腫時發熱疼痛如未破服大車螯散已破服小車螯散次用為解

內消等藥與治癩法治之

問曰古今之用藥制度與夫金石之變草木之反虛
寔之蒸食毒之發願盡言之答曰古之治病隨証施
設如箭中的故應手而愈妙體存乎心模體行以意
今人之體古方書無有加減禍福相半古稱單方療
病爲效最切擇以佐使斯爲治病癰疽之疾如山源
之水一夕暴漲非決其要會支之大渠使殺其勢則
橫潦爲災猛烈之疾以猛烈之藥此所謂以毒攻毒
也金丹之性真水不勝客火上炎草木之反熱毒蘊
結五金八石各從其類硃砂下砒硝石化伏

伏謂伏
火丹也

犀角大黃攻治無畏仙芝無虛寔証此外則鍼灸佐

之謂如仙芝之方它方非鍼灸佐之不可

千金方惟五香連翹散猪蹄

湯萬金犀角丸有準鬼遺方世稱奇妙究其所以除

木占斯散未聞可以施手而敗醬占斯世皆莫識遂

爲文具蘇良忍冬不能救急菘豆乳香可治金石舉

此顯顯數者以別是非爾後不可槩舉然倉猝之間

醫者紛紛莫知適從上下畢備乃可成事應入門看

候便須以醋調藥未潰者當心點之如碁子大良久

視其痛與不痛不知痛者加一點不痛良久又加一

點至滿上而不痛及痛如昔者爲入肉爲不應藥以

論仙芝外無他法只依本方用之

已潰者捻子試之及數與未及數

者決輕重應點隨手而痛者妙食頃者四分又食頃

者七分

此言尋常痛今點愈痛昔日痛今不痛皆應上法

消息在臨時之妙

須定意商量蓋於此時決死生也既應病服藥初進

二錢如五里進三錢如五里進四錢如早至晚六錢

止如此兩者亦言以毒攻毒也

此言仙芝餘藥依本法

當日進

藥三服後卽用藥傅之圍瘡四面所潤腫處以防其

他注視其東西四向除依上法塗圍外於其頭上用

藥一點此妙不傳之秘也

試法論瘡已潰須用好厚紙作一合索捻子捻入看

分數如背上自肝膈以上試直入無偏斜及一寸三分者爲將通十全三四過此不治雖過數而精神强者須以竹膜一片可覆瘡口密者先擇一淨明室中以水濕瘡口四旁然後覆竹膜在靜看其動似氣之拽拽則已通矣非風非扇而與呼吸相應十死不治無此者可療餘法載前論一應背潰皆以此法試至妙如無大竹膜可糊合爲之

腐肉色青黑缺牙不附骨者用煉刀竹刀割之或已腐而肌肉薄者不可割當下食惡肉膏先燻後用應

潰後無死証可下手不然不治

證見前論

長肉之法須惡肉盡乃可下下而看淫淫生而有紅黃者吉淫生而無肉意青黑者凶未下前先用藥湯洗洗後復用葱少鹽多湯洗之微乾乃可用忌一切厭穢婦人孝子見之下後仍不許他人揭看大凡無淫肉不生淫上有一層淫淫如黃綿在肉之上也

有膿者脈洪數而緊痛如刀錐雞啄按之似欲隨手當先以取膿鍼潰之潰之而脈愈證退不加鍼灸惟平補而愈當用十奇散之類潰而證不退加鍼灸法又有肉裏癰一證在好肉之裏有膿當決之否則成附骨決而以油捻子塞之良久乃出可以盡毒應行

肉裏鍼須量其人平日飲量以酒調藥乘其服藥酒後而決之然背無此證厚肉有之腸癰在膚准此

打鍼法用馬銜鐵於甲子日一日煉打陽鍼一枚如韭葉長三寸六分丁酉日打陰鍼一枚長二寸四分驚蟄日打雷鋒鍼一枚長二寸四分又打取膿鍼一枚如韭葉長三寸六分打煉刀一枚小鈎一箇右用桑白皮紫藤香煮一周時以紫藤香末藏之陽鍼鍼獨疽陰鍼鍼癰雷鋒鍼鍼怪形非怪形者必須辨認仔細乃可鍼或以尾爲頭誤人不淺中脊傳貼大痛不止先後失序療之難愈 假如只一箇瘡而四面

無頭其頭在中仍不許於中點之大逆只於四旁厚
塗依常法 假如一箇至數箇須察其至甚先其後
輕先輕後甚法當先其輕者後其甚者反此者卽與
本方服藥不能應雖不害其命而留之日久病形雖
多鍼傳則一收外攻內候其聚合逐之速解內毒盛
者急攻其內外毒盛者速瀉其熱日夜收攻庶幾無
失

騎竹馬量灸法發背腦疽腸癰下部癰癩癰喉癰牙
癰手足一切癰疽或胃腹不測丹癰緊硬之屬先令
病人以肘憑几豎臂腕要直用篋一條自臂腕中曲

處橫紋男左女右貼肉量起直至中指尖盡處截斷
爲準不量指爪卻用竹杠一條使病人脫衣騎定令
身直前後用兩人杠起令腳不着地又令一人左右
扶定勿令僵仆卻將前所量臂腕篋從竹杠坐處尾
閻穴直貼脊骨量至篋盡處爲準用墨點定此尺是
取中非灸穴也卻用稻稈子量病人中指中節相去
兩橫紋爲準男左女右剪斷將稻稈準子從篋點定
處兩邊各橫量一寸準子盡處取兩穴各五壯或七
壯不可多灸不問癰生何處並用此法灸之無不愈
也蓋此二穴心脈所起凡癰皆心火留滯而生灸此

二穴則心火卽時流通不三日而愈可以起死救危
有非常之功也屢試而屢驗矣素問云諸痛痒瘡皆
屬於心又云榮氣不和逆於肉理則生癰腫榮氣者
血也心能行血血旣滯則脈不行故逆於肉理則生
癰腫灸此二穴心火調暢血脈自流通愈於服藥多
矣

第一法

先從男左女右臂腕中曲處橫紋起用薄篔一條
量至中指齊肉盡處不量指爪爲準剪斷

第二法

男以左手女以右手先將中指用薄篔簹量取中間一節兩橫紋斷爲同身一寸爲準子

第三法


先令病人脫去上下衣服以大竹杠一條跨定令兩人徐徐杠起足要離地五寸許兩旁以兩人扶定毋令動搖不穩卻以第一圖準子貼定竹杠從尾閭起貼脊量至準子盡處以墨點定記之非灸穴也此是取中穴止處卻以第二圖取同身寸準取兩寸平摺自中穴量之以中分取兩傍各一寸

方是灸穴

治癰疽發背癰毒一切惡瘡並婦人癩癰灸法以麻皮一條從手臂大曲橫紋中度起牽至中指第二節橫紋處爲定引而倍之截斷遂將此準從結喉處按定雙引兩頭垂於背脊直下取準頭盡處點定此是定高下也又以小竹篾一條比大拇指上節一寸爲準卻將此準就于背中心點定處旁去一寸點一穴灸五壯或七壯若已破灸後三二日間瘡口合再就前穴又引一寸點一穴五壯或七壯十壯凡此點穴亦皆男左女右灸不可絲毫失也 此灸法活人甚多立有神效故錄本附於寶書之中以救疾苦不可忽

之

凡點穴用灸須端坐以兩手垂於膝上頭不
可俯仰動搖庶不失穴道切宜記之



灸法曰諸陽熱而爲癰疽故灸手左右曲池手七里
肩峰骨後縫足風市足腿骨上縫骨足三里炷如麥
粒各三壯立止痛也

又灸一切惡瘡并喉閉發背等每用細索或帶子以
病者右手大指第二指拈直臂量當心看索之多少
平折作兩半自病者喉以索雙搭過至背上看至近
處兩頭各更加一寸夾脊骨爲穴灸各灸三壯立效

趙唐卿傳

衛濟寶書卷下

方法

正藥指授散 此藥本無名因先生遇老人於山自云姓徐指而授之乃號徐仙芝方散皆以爲名按仙芝圓者爲陽方者爲陰陰陽對生面青背紫黑色根盤如蜈蚣四葉對芳五月而花有花無實凌冬不凋叢秀異於他草生深山大澤於水石之間採以五月五日採訖擇根令齊便於急水中擺去沙土掛於微帶風日處不可大把疊束恐爛不佳而氣味無力方圓各收一處不可相雜旣乾臨時用方圓兩根各作

一包無令差誤每用磨子磨之不得近鐵取極細為
度忌僧尼婦人孝子雞犬一切厭穢見之揀天德月
德天醫或七月七日吉日合之依此法則其驗如神
尋常疎縱不依此法則功效便遲矣既尊奉此藥不
可不虔為製造 殺毒定瘡卽以為散用醞醋調之
根傳其頭圓者傳其右方者傳其左一箇時辰當住
大痛若不住加一服又不住可加後藥

仙芝根葉

共一兩半

梓寄生

兩半

夜明砂

一兩

右依前法厚調傳之風毒盛極加趙侯鬚

一兩本
草名敗

醬
絲瓜半兩生者佳冬日無可於霜前收臨時未

蓋當一兩不用醋調只用汁調更佳此物亦有陰陽長瘦為陽短肥為陰可偶用之
如烟

漿沸潑風毒火丹甚者可加夜明砂通前真牛黃

一犀角水磨半錢不依前法不用醋調以絲瓜汁

犀角磨水調傳

服食仙翁指授散

仙芝四兩方圓根莖枝葉對用製如前法

絲瓜一兩

夜明砂分

右每用三大錢温酒調下病在上者先食後服凡

毒盛者加趙侯鬚一兩犀角末半錢每用三錢酒調下

飲酒悶者木通湯下

如烟漿者加牛黃一錢赤茯苓

苓半錢用酒調下

老翁神杖散

梓寄生一兩

夜明砂一兩

右爲細末每用二錢溫酒調下催服依仙芝式傳藥如前以醋調之絲瓜汁尤佳 梓寄生卽梓樹

上老寄生藤自地下量起與人額齊以下者不用以上者取七尺如無只取三尺六寸每條皆如此若一藤一枝者不取一藤二枝者可取擇二吉日採無令人多見採歸以利瓷片輕手刮去外黃皮

再刮去中間白肉內心不用瓦上微火焙乾磨子磨之五月五日尤佳

玉女飛花散

蜀桑根

取大者

右卽芫花根不用木五月五日採水中輕輕洗去土燒淡醋令沸以花根于醋中一走過覺色變白如寄生法當日採當日刮令極細每服一字溫酒一大盞放藥于盞良久面上花飛服下催服如入門式傳以絲瓜汁醋調亦可

趙侯鬚散

趙侯鬚卽敗醬草

乾者四兩

苦辣回根

七寸

甘草節

三寸

乳香

一錢

穿山荷根卽蒲

桃藤根

七寸

右生搗爲粗末乾者爲細末其爲一劑分三服每服用好酒三升半煎至七分去滓服傳用酒調依

上法

六化丹

卽犀角丸易名以神貴其藥而俗子所珍

因其能化風化熱化毒化結化積化膿爲水故曰六

也

犀角

生者一兩

黃芩

一兩

大黃

一兩

巴豆半兩去心出油

升麻一兩

當歸一兩

梔子一兩

白藜一兩

甘草一兩

天南星一兩

黃耆一兩

防風一兩

右爲細末以早潮順流新汲水丸如梧桐子大每

服五丸不拘時候隨證量人大小用之

十奇散 本法稱此藥無情全不類治癰疽者然古

聖神工所制殆不可測不拘老幼已潰未潰服一二

服立效據考證今收入平補藥中庶幾中的

人參一兩

當歸一兩

黃耆一兩

川芎半兩

白芷半兩

桔梗半兩用苦者不可用

甜者

甘草

半兩 炙

桂

半兩 薄者 去皮 取心

厚朴

半兩 去皮 薑汁製

防風

半兩

右爲細末每服二錢溫酒調下催服如前法本法

加至六錢止

逼毒散

當歸

一兩

枳殼

一兩 去瓢炒

甘草

一兩 炙

白芷

一兩

貝母

三兩 去心

右爲細末每服二錢酒水各半盞煎至六分日四

五服

黃真君妙貼散

硫黃

好者不計多少

右用蕎麥麩爲窩子包黃在內于熱火中兩邊煨令黃黑取去入乳香半兩細研用井花水調以熟絹剪如所腫樣貼之留竅日兩易

托裏地脈散

當歸

地蜈蚣

赤芍藥

甘草

各一兩

右爲細末每服二錢溫酒調下

黃芩散

洗瘡腫爛處化惡血膿汁活血調榮衛

黃芩

二兩

秦皮

真者

莽草

細辛

白芷

川芎

黃連

各半兩

羌活

一兩半

右爲粗末每用一兩半以猪蹄煮熟去蹄入前藥

煎數沸通手以綿惹洗癌瘡直至藥冷爲度洗後

使麝香膏貼春冬一日一洗夏秋一日兩洗

秦皮散 破與未破宜先洗以此藥消逐惡肉膿水

秦皮

三兩

莽草

二兩

細辛

苦參

各一兩半

黃芩

當歸

各一兩

右爲粗末每洗時用猪蹄湯和藥一兩同煎二十

沸去滓通手以綿惹洗以五枝煎貼之

芎黃散 洗疽瘡化毒氣散膿汁生肌肉止疼痛

川芎

大黃

黃芩

何首烏

各五錢

當歸

黃連

香白芷

各三錢半

右爲細末搗爛每用猪蹄湯煎藥數沸去滓以綿

惹洗之藥冷止

猪蹄湯

猪蹄

一隻治如食法

黃耆

三兩

黃連

三錢

芍藥

三兩

黃芩

二兩

狼牙根

二兩

薔薇根

二兩

右以水三斗煮猪蹄令熟澄取二斗六升或一斗

六升下諸藥煎取一斗去滓分三服洗瘡

槐白皮湯

槐白皮一兩

桑白皮

紫藤香即降真香

防風各半兩

右以咀水三升煎至升半代猪蹄湯洗

燻藥

雄黃好者一兩

雌黃一兩

蚌粉三兩

右為細末用潤口瓶入米醋一升不蛀皂角一挺

藥末五錢同煎至沸以氣燻瘡氣冷欲盡再燒半

挺炭投醋中取氣燻之直至炭淬醋盡爲度日一
用

活血散 治膿出不快肢體悶痛寒熱無時口苦舌
乾不思飲食

金星草

五葉

川芎

羌活 各一分

人參

半兩

甘草

三分

右爲末每服二錢溫下日三服如大腫赤疼痛用
麥門冬五錢搗爛熱調令清以鵝毛刷在癰腫癩
上

輕肌散 止疼化毒膿除寒熱煩燥腳手無力四肢

倦虛渴氣之不勻

慈姑

一兩

何首烏

甘草

炙各三分

獨行

一兩 去皮

地黃

半兩

蝦啾啣

三分

右爲末每服二錢水一盞薄荷七葉煎至八分温

酒調下

大車螯散

車螯

一箇黃泥固濟通紅煨去泥置地上去火氣

大戟

淨洗

芫花

醋炒

漏蘆

甘草

炙

檳榔

各半兩

甘菊

去梗葉其梗一名傅延年

大黃

三分

膩粉

一分

右各爲末每服二錢車螯末二錢膩粉一錢拌和
于更初用瓜萋酒下如人行五里卽下惡毒膿血
二三行不用止自住凡後生只一服老少加減

小車螯散

車螯二分

輕粉二分

甘草一分

瓜萋一箇

右各爲末和勻每服二大錢五更初煎瓜萋酒調
下

內托散 大止疼痛如未破卽點破有膿

川烏一兩

茯苓三分

苦杖半兩

獨活

白芷

甘草 炙各一兩

右為末每服二錢酒調下日三服

解關散

治疽毒頭痛寒熱心煩悶躁肌困無力去

惡毒膿血

麻黃

三分去節

大黃

三分

肉桂

半分

甘草

半兩炙

訶子

五箇去核

枳殼

木通

各一兩

木瓜

一箇

右為末每服二錢水一盞薑三片葱白三寸連鬚煎至八分通口服片時自然汗出再進數服痛熱

即減

金花散 順氣補內去邪毒治疽皮燥痛快膿止疼

蒲黃

一兩

赤芍藥

一分

地骨皮

蔓荊子

各半兩

石菖蒲

一分

甘草

三分

右爲末每服二錢溫酒下薄荷湯亦可

排膿散 去疼膿逐惡血化腫毒退寒熱

防風

一兩洗

仙靈脾

即淫羊藿

甘草

炙各半兩

川芎

半兩

白芷

三分

人參

半兩

細辛

一兩半

右爲末每服二錢溫酒調下如不飲糯米湯下不

拘時候

五積勻氣丸 治五發風毒逐餘毒惡氣行血脈

杏仁 八十一粒 去皮尖 巴豆 八十一粒 去皮研 木香 一分

黑附子 一分 當歸 一分 小坯 半兩 卽蘇木

右爲末和勻用糯米煮飯爲丸如棗豆大每服五丸臨卧薄荷湯或薑湯吞下量虛寔加減

敗毒散 已破宜服逐惡毒流精去毒濁

麻黃 一兩一分 去節 白朮 蒼朮

荆芥 各一兩 甘草 三分 炙 大黃 半兩

薄荷 生花者 一分 黃芩 半兩

右爲末每服二錢水一盞葱白三寸煎至八分不

拘時候

托裏散 止疼托裏固濟臟腑

山蜈蚣 二兩

當歸 二分

地黃 去土

甘草 炙

厚朴 炙

白朮

白芷

川芎 各半兩

川烏 三分炒

黑豆 一合

麻黃 三分去節

右爲末每服一錢温酒調下如不飲酒水一盞薑

三片薄荷五葉同煎至八分日進三五服

內補散 已破而膿汁出多瘡壞爛肌肉未生宜服

此方

附子 一兩 炮

粉草 三分 炙

茯苓 半兩

陳皮 半兩 去白

白薑 一分

人參 三分

麻黃 半兩

官桂 一分

右為末每服一錢葱白三寸棗一箇煎七分服

內消散 已破去膿積瘀血止痛退寒熱進飲食活

百脈

紅內消 二兩

何首烏

玄參

苦參

蔓荊子

威靈仙 各半兩

右為細末每服二錢溫酒調下熱水亦可不拘時

活膿散 治瘡毒熱痛燥肢節疼痛食減少無味

天麻 酒浸

穿山甲 醋炙

草薺 兩半

羌活 分一

甘草 分三

右爲末每服二錢酒調下不拘時

五參丸 治疽瘡經延日月傳成冷疽毒宜服此藥

丹參

人參

苦參

玄參

沙參

蔓荊子

何首烏

紫苑

葳靈仙

木香 各三分

乳香 分一

右爲末煉蜜爲丸如梧桐子大空心用麝香酒下

三十丸或四十丸

內消丸 解利風毒氣癰痼發之毒作痛煩

黑附子

半兩 炮

川烏

炮去皮尖

草烏

水煮去皮

乾蝎

僵蠶

各一分

雄黃

半兩 研

右爲末煉蜜丸如菉豆大每服二丸薄荷酒嚼下
大段發急者只作散子每服一錢薄荷酒調下

內消活關輕竅散 可同內解散間服更將疽發中

金花散同煎服如欲洗以用芎黃散洗後用百花膏

貼如漸覺消退未十分好更服療中內托散固濟丸

再用療內秦皮散洗之碧油五枝煎膏藥貼之不然

使癌發內作檳榔散亦得

附子半兩炮

川烏半兩炮去皮尖

草烏一兩半如前法

麻黃去節

沈香一分

蒼朮三分

防風半兩炙

草薺一分

杜仲半兩炙

右為末每服二錢水一盞薑三片棗一箇煎七分

通口服

生肉膏 凡瘡既愈肉漸滿可將收口且用收口藥

微糝一層乃用生肉膏蓋五日後去膏用正收藥仍

蓋以油單忌傷風也

檳榔半兩

生地黄二兩

辛夷二兩

薤白五兩

獨活

當歸

大黃

白芷

芎藭

黃芩

芍藥

續斷

右以臘月猪脂為煎

麝香膏 長肉逐敗血合瘡口

黑附子

半兩生

肉豆蔻

五箇去皮

陳皮

半兩去白

皂角

三莢肥者

檳榔

四箇

羌活

一分

黃連

白芷

當歸

各半兩

白薑

大黃

縮砂

各一兩

右細搗微爛麻油一斤於鐺內同煎又慢火煎至

一半藥焦黑為度去滓再入淨鐺煎滾入黃丹篩

過者五兩又入油煎乾一半許以淨蠶鉢盛之放

地下出火一日

桃紅散 治瘡口未合爛臭瘀肉未去時水出以此

糝之

黃丹 一兩 漏紙炒

硫黃 三分

茱萸 三分

輕粉 四錢

右爲細末用麻油調和再乾之洗瘡拭後糝之

白檳榔散 收瘡口長肉

檳榔 炒

日芟

黃蘗 去粗皮

木香 各半兩

右爲末輕粉二錢和勻如瘡乾卽以臘月猪脂調藥傅之濕則乾糝

紅雪散 斂瘡口長肉

黃蘗

黃連

各一兩半

黃丹

三分隔紙炒

輕粉二錢

右爲末凡經十餘次洗後其爛肉瘀膿不盡方用此

生肌藥 凡癰疽已潰多有瘀肉壞在四旁遂令瘡

深寢至斷筋蝕骨法須去瘀肉用速急生肉藥庶幾

不令傷風日久不愈去瘀肉法淡醋一碗入鹽一字

以雞羽輕輕拂瘀肉處少頃用竹片夾縛作一摘鑷子摘去瘀肉以藥糝之

川烏一分

訶子三箇

紫藤香一分

生硫黃

食茱萸各半

龍骨

白麩各一錢

右為細末乾糝卻用生肉膏浮虛蓋之勿令相着其肉立生如瘡乾恐痛或乾已痛則用茱萸四十至五十粒清油一盞蓋煎取茱萸焦調傅佳

捍骨散 安愈後宜用之

牡丹皮一兩

柴胡三分

赤芍藥

茯苓

白芍藥

當歸

各半兩

甘草

右爲末每服一錢半水一盞薑三片棗一箇同煎至八分通口服一日三服不拘時

乳癰

凡乳癰易萌皆由氣逆寒熱相乘榮衛縫結乳汁不行而生癰四十以下治之多愈四十以上十愈四五未成者吸其乳非乳者下其已成者如癰法治之在乳房而不善治腐漏者三年而死中乳房者不救

此句

言鍼

鍼乳癰圖



乳癰方

萱草根

右搗爛酒浸服滓傳

又方

芭霜葉

右不計多少取陰乾爲末如急用則焙乾之以井
花水調塗不若取絲瓜汁調最妙此藥貼塗發背
一切痛癰與玉女飛花散爲表裏

爛癰方

牛角

片切成

蚌粉

三錢匕

糯米

安角上同
于炭火上

煨成灰取
七錢匕

右作五服嚼乳香酒下乳香入在內尤佳

導經散子

皂角灰

蛤粉

右爲細末半錢或一字溫酒調下急以手揉乳傳
以天南星末用水調上未效加木鼈子以醋調塗
次服栝樓散

栝樓散

栝樓

一兩

乳香

一錢

右爲細末每服一錢溫酒調下如有乳者急以紙

五寸濶一片用火燒於三升許瓶中火欲過未過
便以瓶口掩乳以手扶定其乳吸在瓶中覺颼颼
乳在瓶則便取去急洗以藥若本無乳依癰法治
危亦林得效方云熱者加石膏末少許

軟癰

問曰軟癰之稱何山有此答曰大人毒存而爲漏小
兒毒存而爲軟癰逼其毒而已矣

止痛水銀膏 尋常小可瘡癰無膿而痛不可忍諸
藥所不能止者用此立效

水銀

一分要
好者

寒水石

一兩

巴豆

二十七粒
火凡過

硃砂半兩
要好

硫黃

犀角

白礬各半
兩

海螵蛸

黃丹煨各
二兩

右先以津液調和水銀如泥後和諸藥末用米飲

丸如兩梧桐子大取新汲井水研藥一丸當瘡心

點之如水透內則住不然加之以知爲度服金石

人用砂糖爲丸去海螵蛸加砒硝半兩井花水頓

進五粒便下然須識證者可使否則虛實失宜矣

軟瘡方 宜用淡鼓餅

薤白

淡鼓各等
分

右二味共舂作餅掩之留瘡口泄氣

又方

槐樹木上自起皮

青皮灰

伏出兒雞子殼

瓦上燒

輕粉

右爲細末調塗之

又方

銀鍋子爲細末調塗之極妙雞子白調亦可

治清丁

穀精草

要淨者

蟬殼

各一兩

蒼朮

五兩

右爲末每服一錢水調服食前仍以鍼刺丁出水用桑柴灰汁洗之立效

後序

文禮不才蒙賢太守招致求醫會新安王大監論及
昔證文禮歷舉諸家治法因投其機遂令編類校正
集成一書名曰衛濟寶書後之覽者毋謂愚爲僭可
也徐文禮識